



Na osnovu Zaključka Centralne izborne komisije Bosne i Hercegovine, broj: 07-2-16-3-96-1/22 od 20. 01. 2022. godine, upućuje se

JAVNI POZIV

za dostavljanje ponuda za iznajmljivanje poslovnog prostora skladišnog tipa za potrebe Centralne izborne komisije Bosne i Hercegovine

1. Predmet poziva

Predmet poziva je unajmljivanje skladišnog prostora zatvorenog tipa za potrebe Centralne izborne komisije Bosne i Hercegovine (u daljnjem tekstu: Naručilac) na period do dvije godine, uz mogućnost njegovog raskida i prije vremena na koje se zaključuje ukoliko Vijeće ministara BiH osigura poslovni prostor za smještaj skladišta, sa sljedećim karakteristikama:

a) Osnovna struktura skladišnog prostora:

Površina prostora cca 1.000 m², unutrašnja visina 6 metara, sa regalnim sistemom na koji se može uskladištiti oko 500 komada europaleta, u sklopu kojeg su:

- 1) jedna kancelarija sa kvadraturom od 12 do 15 m² bez kancelarijskog namještaja,
- 2) prostor za pauzu radnog osoblja površine do 20 m² i
- 3) odgovarajući sanitarni čvorovi.

b) Ostale karakteristike skladišnog prostora:

Prostor mora biti odgovarajuće uvjetovanosti za skladištenje izbornog materijala i opreme:

- 1) da je u jednoj cjelini i odvojen od ostatka objekta u kome se nalazi za slučaj da je na istoj prostornoj cjelini (zgradi, objektu i slično) locirano više korisnika,
- 2) da posjeduje sve instalacije u skladu sa važećim propisima i standardima (elektro, vodovodne i kanalizacione), kao i dobru protivpožarnu zaštitu sa ugrađenim hidrantima, kao i videonadzor,
- 3) da ima posebne mjerače utroška električne energije, vode i odvojeni PTT priključak za direktnu telefonsku liniju,
- 4) da ima zaseban ulaz/izlaz koji se ne dijeli sa drugim korisnicima,
- 5) da je osiguran neometan i uvjetovan prilaz dostavnim i kamionskim vozilima neposredno do ulaza u skladišni prostor i
- 6) da postoji mogućnost istovara i utovara viljuškarom na ulazu u skladište.

c) Lokacija skladišnog prostora:

Skladišni prostor treba biti lociran na području Sarajeva ili Istočnog Sarajeva.

2. Pravo učešća

Pravo učešća na javnom nadmetanju imaju sva pravna i fizička lica koja posjeduju dokaz o vlasništvu poslovnog prostora.

3. Sadržaj ponude

Ponuda mora sadržavati:

- a) naziv i tačnu adresu ponuđača, broj telefona, faksa, e-mail, sa podacima o kontakt-osobama,
- b) ovjeren dokaz o vlasništvu poslovnog prostora,
- c) izjavu ponuđača da:
 - 1) nije predmet postupka za proglašenje stečaja, odnosno pod stečajem ili likvidacijom,
 - 2) se ne vodi postupak zbog neplaćanja poreza ili doprinosa za socijalno osiguranje,
 - 3) nije u krivičnom postupku osuđen pravosnažnom presudom za krivična djela organiziranog kriminala, korupcije, prevare ili pranja novca u skladu sa važećim propisima u BiH,
- d) tačnu lokaciju skladišnog prostora,
- e) nacrt-shemu nuđenog prostora sa unesenim tačnim površinama i podacima o traženim karakteristikama ponuđenog prostora,
- f) da je prostor uvjetovan za skladištenje, odnosno da osigurava glasačke listiće i ostali izborni materijal od uništenja, vlage i drugih oštećenja,
- g) cijenu zakupa kvadratnog metra skladišnog prostora izraženog u KM sa uračunatim svim zakonskim obavezama (cijena kvadratnog metra ne može biti veća od 6.20 KM bez PDV-a) i
- h) ostale dokumente koje ponuđač smatra bitnim, a odnose se na karakteristike i uvjetovanost ponuđenog skladišnog prostora.

4. Kriteriji za izbor najpovoljnijeg ponuđača

Kod ocjene izbora najpovoljnijeg ponuđača cijenit će se:

- a) cijena ponuđenog prostora,
- b) uvjetovanost, kvalitet i opći standard ponuđenog prostora koji odgovaraju potrebama Naručioaca, što će se utvrditi neposrednim uvidom na licu mjesta i
- c) lokacija objekta.

5. Podnošenje ponude

Propisno zatvorena kovertirana ponuda se dostavlja lično na sljedeću adresu:

Centralna izborna komisija Bosne i Hercegovine, Danijela Ozme 7, 71000 Sarajevo.

Na omotu je obavezno naznačiti *naziv i adresu ponuđača*, na kojoj će stajati: **“Ponuda za iznajmljivanje skladišnog prostora za potrebe Centralne izborne komisije Bosne i Hercegovine – ne otvarati”**.

Rok za dostavljanje ponuda ističe **10. 02. 2022. godine u 14:00 sati**.

Nepotpune i neblagovremene prijave neće se uzimati u razmatranje.

6. Otvaranje ponuda

Otvaranje ponuda je javno, kojem mogu prisustvovati ovlašteni predstavnici ponuđača.

Otvaranje ponuda će se održati dana **10.02.2022. godine u 14:15 sati** u prostorijama Centralne izborne komisije BiH, ul. Danijela Ozme 7, Sarajevo.

7. Troškovi ponude

Ponuđači snose sve troškove u vezi sa pripremom i dostavljanjem njihovih ponuda. Naručilac zadržava pravo obustaviti ili poništiti postupak izbora po ovom javnom pozivu u bilo kojoj fazi do momenta donošenja odluke o izboru najpovoljnijeg ponuđača.

Pisanu obavijest o izboru najpovoljnijeg ponuđača Naručilac će dostaviti svim ponuđačima.

Kontakt-osoba: Srđan Bjelica, tel. 066-004-800.